



Senin, 27 Juni 2022

Ogen: 1 Timotius 6 :17-19



Meriah Ukur Merekon Si Lit



Erta kinibayaken e banci jadi teman, banci ka jadi imbang. Ia ta jadi teman tupung kita si ngkuasaisa, kita si nagturkensa penggunanna. kita si ngkuasai ia. Sebaliknya banci jadi imbang tupung kita ikuasaina, enggo je lalap ukurta, lanai ateta sitik pe sirang bas ia nari, itawinna pusuhta ras ia ngerajai pusuhta.

Eari enda ibabai kita gelah najdiken erta kinibayaken e jadi teman, si banci maba pasu-pasu ku sekelewetta. Uga carana? Pemena, ola megannjang rukur ras ola ernalem man erta si la tetap. Meganjang rukur situhuna biak empersilahan Dibata. Pengakapna erta si lit e bekas beluhna encarikensa, tempa la lit i je pendahin Dibata. kedungenna, erta kinibayaken e ingaanna ernalem. Pengakapna ban erta maka ia jore. Adi enggo lit erta kinibayaken kai pe enggo banci ibahan. Erta e akapna si ngaturken geluhna. Enda si man sirangenken. Peduaken, Mere alu melumbar. Erta e situhuna alat sngenca gelah abnci kita ndalani kegeluhen. situhuna ulu kegeluhen e Tuhan si isembaha kita. Tuhan nge si mereken kelegeluhen ras kesenangan labo erta. Adi bage perlu ibagi-bagikan man sikekurangen buatenta lit, gelah sekelewetta pe ndatken keperluan si cukup. Banci saja rejeki kalak si deban rehna arah kita nari. Kita ipercayaken Tuhan lako mpesehsa man sekelewetta. Arah ertata kita nampati ras jadi pasu-pasu. Sipeteluken, bayak i bas perbahanen si mehuli. Labo kepe terjeng melala erta kinibayakenta maka kita kataken bayak. Tupung teridah perbahanenta mehuli ras ternanami kalak si deban si mehuli i bas kita nari, e pe enggo kita kataken kalak bayak. jadi kebayaken e la terukur nilaina ras jumlahna. reh lalana perbahanenta si mehuli, banci kataken kita reh bayakna. Ermediate, engkelengi, nampati, enda me kebayaken si la ersibar, ras katawari pe banci ilakoken. Meruah ukurta mereken kai si lit i bas kita subuk erta kinibayaken bage pe perbahanen si mehuli.